

տրակ սիրոյ: Եւ այնպէս արար, մինչեւ եսպան այն հնարիւք եւ զփեսայ Ֆազլին եւս այլ հնարիւք: Եւ զԱլի քէհեա նորին կամէր յէտրէնէ սպանանել, այսինքն ի բան առաքել. եւ ասէր վալիտէն. Հատա^ոն¹⁾ միթէ տաճիկք, զի զփոխանն իմ եւ զգործակալն առաքէք ի բան: Վասն որոյ եւ սպան զՏէլլին զի ասացէ թագաւորին թէ Լայեխ է զափուտանութեան Ալին: Որ եւ յետ երկուց աւուրց սպանման Հուսէինին եղ զափուտան զԱլլին եւ փոյթ ընդ փոյթ առաքէ ամենայն նաւօքն ի պատերազմ ի Ծովն Սպիտակ: Եւ էր ցուրտ յոյժ եւ ծանր ձմեռ, եւ այսքան բանից ազգի բամբասէին աշխարհ զվէզիրն, եւ ծառայք թագաւորի ամենայն զօրք մոմսէին չերթալ, բայց երկընչէին, զի զլուսք եւ պետք իւրեանց չէին ընդ իւրեանս այլ ի վէզիրն կապակցեալք: Եւ յորժամ ելին ի ծով, բազում²⁾ սատակեցան ի ցրտոյ եւ շատք ի ձեռաց եւ յտից թափեցան եւ պաղեցան:

Ահայ յայսմ աւուրքս խորհուրդ արար ի ծածուկս վալիտէն առ մուհտին, հաւատացեալ միմեանց թէ կարիցեն հնարս առնել վէզիրին: Եւ յորժամ կանգնին առ թագաւորն մեծամեծք օճախին և զատաւորք զօրացն, մուհտին եւ վէզիրն, յետ խօսից ասէ մուհտին առ վէզիրն. Զայդ առնելով չկամին զքեզ աշխարհ, և վասն քո փնաս ևս հասանի մեծագահ արքայիս մերոյ: Եւ յառաջեալ քէհապէկին ասէ թէ Ո՛վ էֆէնտի, զխօսքդ զայդ մոռացի՛ր, ի կենդանութեան թագաւորիս մերոյ ո՞վ է չկամող վէզիրիս եւ վասն է՞ր հասանի փնաս արքայիս. եւ ապա ելանեն ի դուրս: Եւ յետ զնալոյ նոցին կոչէ թագաւորն զվէզիրն, որպէս սովորն էր յաւուրն Գ և Դ անգամ ձայնել և խօսիլ ընդ նա. և եհարց՝ ասէ թէ Ո՛վ լալա,

1) հատաւ.

2) քաղում.